

感恩縣志卷之三

輿地志

物產

穀米

菜蔬

花果

草竹

籐

香木

穀類

縣屬田土有一年二熟者或地自漲水或溝引河水或常用桔槔有一年一熟者則待天然雨水謂之爲坡遮稻有粳糯二種粳有赤黏黃黏白黏老鼠黏花壳黏坡黏花心大白小白等種最宜大熟又有白籽白苗紅苗早子猪畏紅芒黏小熟黏等種宜小熟又曰山稻（黎人刊山燒園種在山嶺有粳有糯）糯有光頭糯猪血糯黑芒糯小熟糯黃箕糯黏子糯山藍糯

黍類有三曰金黍（一名黃黍）牛黍狗尾黍

稷類有一曰鴨脚宜植高園釀酒甚佳

麥類有三曰小麥（米細如芝蔴而圓性極柔有粳糯二種）曰蕎麥曰高粱麥（有粳糯二種）菽之類多俗名爲豆曰八月豆九月豆（有紅白烏三種八九月熟窮民每以代糧種者極多）曰長帶豆俗名豆角（長尺許大如箸皮仁俱脆二三月生需澆水）曰紅花豆白花豆猪脚豆荷苞豆紅皮豆荷蘭豆（蔓延棚上）黑茶豆白茶豆綠豆柳豆俗名木名（枝葉如柳可浴痘

感恩縣志

卷三

物產

穀米

一

海口海南書局承印

疹）苗豆刀柄豆（壳豆刀柄）扁豆（性最澁可止瀉）

此五穀之大凡也瓊屬各縣大同小異惟耕穫之時不同

芝蔴（有白黑二種黑者可補虛）一名籐宏（見玉篇）俗名油蔴（可榨油）

芋有水陸二種水芋土人每剝其莖而醃之以爲菜薯亦可食陸之類曰麵芋鷄芋東芋種類最多亦號大米蘇過常以作玉糝羹俗名爲烏子薯黎崗多種之

番薯種來自南夷延蔓易生割其籐而種之薯大如拳如甌（有大重十餘斤者）有紅薯白薯黃心薯小花薯四季薯艾子薯小菊薯綠柳薯諸種土人每刨片曬乾搗碎積貯爲糧或磨淘粉其色甚白食之最滑名曰薯麵東坡志林云海南以薯爲糧幾米之十六稽含南方草木狀云食之壽多至百餘歲土人以釀酒甚旨縣屬以中區出產爲美且多

薯類有大葉小葉二種小葉薯俗名鷄卵薯亦曰甜薯籐細有刺葉圓薯生纍纍每一本或一二十不等皮有細毛形如鷄子大葉薯俗名蔓薯形如山藥有猪血蔓牛脚蔓（皮色黑灰長四五尺掘取留根來年復生）牛蹄蔓（種三年始收）又有木棉薯莖葉酷類木棉樹根入地成薯亦細粉可食煨要極熟生則殺人

藍薯種來三亞客家葉似荷蓀生根下與各薯同

山藥俗名山薯生於山中入土極深形似蔓供食品亦佳南椰精液形色氣味皆類藕蕨粉本草以爲莎木麵可以解熱可以治痢

芡說文雞頭也葉似荷而大實有芒刺其中似米可以度飢

以上諸條非穀也縣屬每以爲糧故附載之

公鷄蒔卽俗謂雞翁蒔也草本莖葉似竹菜而稍大生荒野田園界間花開紅黃色五瓣分立中有青子根下生蒔纍纍似天門冬有大毒食之立斃難救見者宜鋤之

啞蒔生深山中凶荒時黎人鑿取爲糧必先搗碎浸溪中兩三日淘淨其毒方可糝米蒔熟食否則殺人

蔬菜類

蕹菜如落葵而小性冷味甘野葛有大毒以蕹汁滴其苗卽萎世傳魏武能噉野葛至一尺云先食此菜（草木狀）又名蒟草雖有解毒之功然能損目（郝志）

籐菜一名落葵又名紫豆蔓生葉柔滑可食東坡詩曰可以敵蓴羹（府志）

感恩縣志

卷三

物產

蔬菜

二

海口海南書局承印

瓊菜一名瓊芝一名石花菜（府志）有水陸二種棄葉取莖炒食氣尤香

石髮菜出海石上纖長如絲縷（虞衡志）土人謂之海菜又云頭毛菜稍粗短者曰海粉俗名海花

茄隋煬帝名爲崑崙紫瓜又白色者爲銀茄黃山谷詩云珍蔬長帶色勝銀草木狀云種茄有宿根二四年者漸長成樹按茄形有五寸長其葉生刺

苻菜一名接余根生於水底莖如釵股上下白葉紫圓徑半寸浮在水面

詩集傳

生菜似萵苣可捲肉餅俗名包飯菜又一種玻璃白菜

莧菜有紅白二種忌與鼈同食紅莧與黑糖係水可改鼠咬之毒又一種自出園坡者爲刺莧小嫩亦可食又一曰馬齒莧花黃莖紫緣地蔓生亦可食

白花菜莖紫生荒園裡花白味香宜醃酸食楊貴妃因高力士進之稱美自此著名卽俗名佈屐菜也

芥菜一名諸葛菜緒葛軍中種之故名葉大味微苦土人醃之爲酸菜子名白芥子可療病艾菜葉類艾花黃似菊有微香同鮮魚炮湯味最甘脆

菘菜一名白菜葉大莖扁而味淡

鷄菜最易生取其葉炒鷄尤香滑俗名炒鷄菜

枸杞菜叢生蔓延葉煑豬肝食益人明目子色紅味甘入藥材

芫茜俗名元香又名芸荳莖葉細小氣最辛香用佐雜俎宜生食

田艾葉似艾而小生田墜葉白背有細氄俗於元宵採取拌米粉作粿食謂可免瘡疥

甜菌初雨後生田坡平林間味極甘脆踰時即萎有毒不可食客語曰菇

木耳生桑樹者治痢火殃樹者治瀉生梅樹者治腹痛生朽木者謂之乾菇府志

薑氣味辛香夏種冬挖可常食又有山薑野生取嫩芽醃之甚可口近年運銷香港野幾挖絕又

曰黃薑與青蟹煲粥食可療黃腫疾

蘿蔔大如瓶盃色白有春冬二種生食則辣熟食則甜切片或切絲或囫圇用鹽醃之味皆佳葉

宜醃酸

辣椒多種有燈籠樣牛角樣黃紅二色小如米粒者曰鷄椒味尤辛

葱爾雅謂之山蒜葉外直而中通其頭謂之葱白可入藥用

感恩縣志

卷二

物產

蔬菜

三

海口海南書局承印

韮菜扁如釵股忌同牛肉煮食子治遺症府志

蒜葉似韮而稍長大氣味香辣燔炙用之其頭更佳

油菜即萇臺菜光膩如油質柔味厚

笋出山竹居多餘則甜竹苦竹皆甘脆可充饌

錢簪菜蔓生田墜葉圓如錢味苦涼可治噎病

鹹菜葉如芥菜而骨圓可醃鹹亦可生食七月下種九月可收割

漾菜其籐蔓延葉花似番薯其莖中通多水漾之則蕃茂故名

苦葵菜其本成樹土人取其葉用水浸之數日濾起再用鹽醃之可充膳食

水底菜生在水底故名葉似鹹菜而薄色黃黑其味淡冷用鹽醃而熟食

苦瓜一名癩瓜長六七寸皮上疝如癩味苦而甜土人嗜之有異苦不食者又一種野苦瓜圓小

形似荔枝熟則色紅廣府名爲錦荔枝參阮通志

蓬生果俗名番瓜莖直上有節無枝折則分枝每一葉抽蕊一朵結成瓜皮青肉白搯之汁出熟

則肉紅而甜可生食有生花而不實者爲雄番瓜或有實者可治吐血症然極難得

絲瓜皮上有淺稜隱含細絲長有五六寸去皮熟食味甜美

水瓜俗名便瓜圓徑二寸性涼烹熟更鬆軟瓢嫩時可食老則皮硬無味

府志

瓠瓢有長柄細腰二種曰酒瓶瓜花瓜白瓜長瓜嫩者煮食老者皮成格可爲器用

甜瓜一名生瓜長尺餘又名旱瓜皮青斑點有淡黃者熟食生食鹽醃皆可充饌

金瓜又名南瓜大如斗有橢圓二種老則肉瓢純黃如金味微甜四季產者名四季瓜

西瓜一名鎮心瓜瓢有紅黃白三種生啖解渴仁可充食紅者尤佳

葛薯蔓生葉類刺桐薯如薯蕷肉白味清剝皮生熟皆可食子含五六核煎醋可治疥癩炙食則

殺人

蛇瓜形如青蛇其味微甘緣棚蔓生用肉同煮炒和羹皆可

花類

菊有黃白紅紫各色東坡云海南氣候不常十月初菊花始開不湏以重陽爲斷

府志

茉莉花有大小朵二種小者香愈於大叢生蔓生有寶珠十葉重臺諸種宜六月六日種重臺者

香似黃檀味甚厚

感恩縣志

卷二

物產

花

四

海口海南書局承印

指甲花其樹高五六尺枝條柔弱葉如嫩榆與耶悉茗茉莉皆雪白而香不相上下番人自大秦

國移種於南海而此花極繁細如米粒之半取其葉嚼濫包指甲過夜則色殷紅而皮稍粗

刺桐花本高數丈大者六七圍老樹皮多癭瘤礪礪枝有微刺木可備火藥炭花正紅色葉落花

生花開葉出二三月盛開落地三四日其色不減斬其枝種之雨降卽生

木棉花樹大者可二人合抱高有數丈每年季冬發蕾正二月開花有五瓣深紅色望之如華燈

燒空結子如芭蕉老則折裂有絮茸茸黎人取以織作衣被爲布則曰吉貝其絮今多運銷於

海口商場

鬧羊花早開日閉花色白其開似笛結子有刺葉花皆有微臭俗呼顛鬼花

百日紅花開百日不謝

蘆鼓花葉長二三尺中邊皆刺可以織席花初出如榔苞色白氣香雌者結子土人每端午節取

出浸水詰朝取水澡浴謂免瘡疥枯幹上生紅菌可治血痢

雞冠花紅色開時狀類雞冠故名

刺梅莖多刺葉疎花四瓣深紅而小中含金色四季皆開又名呂宋梅

米碎花高丈許花有粒無瓣細如碎米色黃香甚濃烈疑則細米花

四季花一名紅花高數尺花葉甚茂有殷淡紅二色大如毬四季常開不斷

笛蘭葉抽簇簇如蒜而大其花似笛元旦花開色紅者名報喜蘭立夏及五月花開粉黃色氣芳
形如蛱蝶者疑卽蝶瓣蘭亦有四季開者

長春花柯生四時開花淡紅色五出

果類

荔枝高五六丈如桂樹葉綠蓬蓬冬夏榮茂青步朱實大如雞子肉白如肪甘而多汁似安石榴
有甜酸者夏至時翕然俱紅則可食也東坡詩海山仙人絳羅繡紅紗中單白玉膚可想見其
紗

龍眼如荔枝枝葉稍小殼老黃色形圓如彈丸核如木椀子肉白帶漿其甘如蜜一朶五六十顆
作穗如葡萄然荔枝過則龍眼熟故謂之荔奴（草木狀）

芭蕉葉極大四季不彫一年一實 樹一穫中抽紫包數尺簇簇下垂大包者一包九梳十梳每
梳十數子長五寸許剝皮取肉鬆軟甘香又有牛蕉雞蕉山蕉三種味遜

感恩縣志

卷二

物產

果

五

海口海南書局承印

檳榔直幹無枝樹似椰而小葉生木巔房從葉中出一房百數狀如雞子房苞名大腹皮有清香
取其子合扶留葉塗灰食之辟瘴消食俗重檳榔交接必以爲禮初嚼味甘而帶辣面發紅東
坡食檳榔詩兩頰紅潮增斌媚誰知儂是醉檳榔

羊柑子卽餘甘子味類橄欖

烏欖生黎山一名木威子黎人取其肉醃爲菹名曰欖豉色如玫瑰又可搾油調食點燈酉陽雜
俎云珠崖橄欖枝南向者爲橄欖東向者爲木威按廣州記云木威生嶺南山谷中高丈餘子
如橄欖是烏欖與橄欖明分二種矣（參府志）

檬果廣府名芒果樹高丈餘子極繁大如鴨蛋生酸熟甜剖而食之中有大核廣州志稱能解船
暈海舶每兼金購之（用鹽醃而晒乾謂之椹干運銷江門等埠）

番荔枝一名番薛荔實大於拳外皮礪礪中含烏核數十肉白熟輒而甜味似芭蕉
烏木果形似雄鷄內腎皮黑肉微紅核大味甜食之爽口而染舌亦似棗俗名苹子

波羅蜜大如冬瓜外膚礪礪如鋸齒豐下而銳上生時削其皮和菜爲羹而食之味極甘生大幹
上夏熟（虞衡志）按梁時西域達奚司空携子二枚栽於南海廟前自後卽盛實生枝根其大

如斗如不實卽以刀斫樹皮白乳湧出實旋結有結於地中者聞香始知較枝幹所結尤美一實有百餘包每包有一核大如栗可煨食明宣德間曾以充貢菓之大而美者此與椰而已（參廣州志）

橘柚樹多刺小者爲橘大者爲柚初生皮綠熟卽皮黃氣香柚有紅蝦白蝦之分生者多酸熟者多甜皮陳久者入藥材最佳

益智子味辛可下酒及作粽食晉盧循遺劉裕益智粽卽此也李時珍曰脾主智此物能益脾胃故與龍眼名益智同義東坡記云海南產益智花實皆長穗而分爲三節觀其上中下節以候早中晚禾之豐凶因其知歲而名（府志）

楊桃高丈餘花開瓣瓣結子緣幹而生果分數稜中含扁樣小核有甜酸二種甜者味清酸者可爲饌

山石榴皮生青而熟黃瓢生白而熟紅中有細仁粒粒味甘而氣香取其葉或嫩子搗其汁飲之或作粿食可止瀉

落花生一名地豆又名番豆蔓生花黃色藤着地卽生莢狀如赤豆長寸許殼多縐紋中有紅衣

感恩縣志

卷三

物產

果

六

海口海南書局承印

包仁或三或四生熟皆可食榨油最佳（府志）

甘蔗有節而肉白長五六尺佳者渣軟如綿味極甘清有蠟蔗紫蔗馬鞭蔗（客語名芒蔗）土人用石絞榨其漿以煮糖

石榴株高五六尺葉尖長寸許一朵數蕊花開六瓣深紅爛熳四時不斷絮落成菓如拳如碗熟後滿樹丹實最爲雅觀人家每喜種以供賞玩

山棗形如棗而核特大酸中有甜

枇杷以冬葉子成瓣附幹生大如鈕扣味酸嫩蕊可食宜炮鮮魚

酸梅一名酸豆其樹大者五六圍高數丈花開簇簇一簇十數蕊色微黃子長而彎中有數核肉最酸熟微甜可醃爲醬

鷄頭子狀類雞頭故名殼堅打開肉白如芋（生於山樹非鷄頭蓮也）其材紫紅色似荔枝最堅倒捻子一名柿捻叢生葉如苦李花似蜀葵小而深紫子如軟柿上有四葉食者必捻其蒂故曰倒捻子（嶺表錄異）

土檀漫黃格黑子似龍眼而大內包圓核一夥味甜食多涎割舌有紅黑二種可供屋材

椰樹高五六丈似檳榔實大如升外包粗皮裹殼圓堅剖之瓢白如雪厚半寸許中空有漿數合飲之類酒東坡有椰酒賦殼可製爲酒器

草類

萋一名扶留藤蔓依樹葉碧味辛食檳榔者取葉合蚌灰同嚼可辟瘴癘去胸中惡氣（本草綱目）劉欣交州記云扶留有二種一名樓留其根香美（俗稱山萋）一名扶留其藤味亦辛一名南扶留其葉青味辛皆同物而異名者也

接骨草一名四季花叢生園林中高二三尺莖綠有節葉長尖花白色跌傷骨節搗爛敷之可以接骨見群芳譜

鳳尾草生山澗中葉長尺餘狀類鳳尾香馥異常烹以爲茶可治嘔血

仙人掌種墻頭可辟火災無葉枝青嫩而扁厚有刺每層數枝杈枒而生絕無可觀汁入目令人失明（雜記）

益母草本草名茺蔚用治胎產諸病一名返魂丹（儋州志）

過山龍負墻生無枝葉節節相接有三稜如鋸齒有短刺盡處夏生花大如盤色白芬芳夕開旦

感恩縣志

卷二

物產

草

七

海口海南書局承印

謝晒乾煑食畧如金針質滑味美

鵝不食草狀類酸草生旱田搗以黃糖可止眼痛

鷄矢藤葉類蔓諸氣最臭用葉搗粉爲湯治咳嗽諸治血癆一名土參

鴨腳草葉似鴨腳麥可治瀉

鷓鴣茶生黎母山中五月採之蒸熟晒乾芳馥異常可消食

牛艾生山麓間葉粉白細毛蒙茸取嫩葉甑粉氣味香辣可作冰片

含羞草葉如酸梅而細以手拂之則慙然盡偃旋則復起多生於黎山

葶蔴莖或紫或青葉大子可爲油婦人取以澤髮因熱癰閉取葉敷臍下立愈

烟一名思草有二種一葉大如芥菜一葉尖而長味厚氣香多植於內黎土人多吸之

香附俗名猪母草薯用童便泡之可順氣

甘草蔓生葉類酸豆子名相思豆大如黃豆色半紅半黑一蓓百數十粒可以餵馬又名馬料豆

金斛草多生巖洞石上色黃人藥材上者又名金釵草

小茴香葉如絲髮味類八角枝上青虫如蠶取治小腸氣（府志）

千年青多生嶺石間雖久乾萎水浸則生

馬齒莧葉如馬齒有大小二種味酸小者入藥材

燈心草生水中莖節大如箸中有白綿可燃燈

山薑與豆蔻花相似而微小花生葉間作穗如麥粒嫩紅色土人取其未太開者謂之含胎花醃

以鹽水經冬如琥珀色味辛香爲鱸最佳

燈籠草葉類山苦瓜而小結子如燈籠可洗疥瘡

酒餅樹枝生長刺葉香可爲麴藥根葉併治風痰

擦癬草似秧而短莖微紅生沙田濕潤處揉爛擦癬最效

水萍大者爲浮萍小者爲紫纒可飼豬

蓆草生於水邊可織蓆

寄生草葉小而肥脆寄生樹上不藉於土惟桑上生者堪入藥

血母草花紫紅而幹方能治療血散

馬蹄刺卽蒺藜葉如酸豆子生三角莖子皆刺能治目翳亦可洗瘡

感恩縣志

卷二

草

竹籐

八

海口海南書局承印

茅蓬生山坡葉長莖細上有微芒土人刈之編以覆屋

酸草葉分三稜莖細而柔生稻畦及牆邊味極酸可解熱

藍草俗名長靛三四月下種高四五尺許花開淡紅色子結寸許七八月收割枝葉浸水以灰拌

淘便成爲靛可染衣

竹籐類

苦竹類茅而節高莖宜編織性寒可作瀝青其根穿行山谷延蔓成林又名過山苦

甜竹大于臂皮細節端笋最甜美

山竹一名澀勒卽刺竹也長芒密距枝皆五出如雞足可蔽村砦子瞻詩云澀勒暗蠻村是也土

人種爲藩笋亦可食

水車籐產出黎地堅韌小而長建造茅屋水車繫之耐水故名

白籐似伏苓身小而長白外有籐包又有一種斑駁可爲數珠亦名白籐仔

紅籐堅韌長大稍遜白籐多用製爲船索

雞籐細小而長

犁子籐如指大韌而長用以駕牛又名牛拔籐
苦籐其味苦故名

鬆筋籐損傷筋縮截其籐煎湯飲之即舒揚

香類

沉香有生結有蟲結生結者生樹從心結出蟲結者因蟲食而結其色皆黑性硬而味較茄楠微燥擲水可沉藏之歷久而色不變藥肆用之取其重可降氣又一種云半缸沉以香擲缸水中僅半沉色如沉香而品較遜（採訪冊）

伽楠一名**琪楠**有疤結類結之分疤結者每結一件皆有疤痕類結者其樹久爲風雨所折從此而類其實均以色綠而彩性軟而潤味香而清搯之有油如緞色或有全黑帶綠而沉水者或有黑綠帶速而不沉者有純白色者有純黃色者帶之可以避瘴氣治胸腹諸症實爲香中之極品也（採訪）

蓬萊香即沉香結未成者多成片如小笠及大菌之狀有徑一二尺者極堅實色狀皆如沉香惟入水則浮剝去其背帶木處亦多沉水

感恩縣志

卷二

物產

香

九

海口海南書局承印

鷓鴣斑亦得之沉水蓬萊及絕好箋香中槎枒輕鬆色褐黑而有白斑點點如鷓鴣臆上毛氣尤清婉似蓮花

箋香如蝟皮栗蓬及漁蓑狀蓋修治時去木留香棘刺森然香之精鍾於刺端芳氣與他地箋香夔別箋香之下又有重漏生結等色（以上虞衡志）

虎斑香質黑黃相參如虎皮斑然但沉水爲虎斑沉不沉水爲虎斑速也

飛香黑白相串一樹或結十餘件或結幾十件不等

黃速香色疏黃質輕氣微結高者類茄楠而氣味各殊不可不辨

斧口剷香蓋先見香樹用斧刊之而香即從刊處作結其結不一有鬆碎硬碎高門沉水之分鬆碎硬碎等可用燒爐高門沉水則各衙門每購上供所謂貢香（以上採訪）

按香類雖多同爲一樹隨其所結而名乃續博物志云梅桂橘柚之木沉於水多年皆爲沉者非近日洋伽楠（越南國者爲洋伽楠）多出香氣甚烈價甚昂外屬人往往爲所誤不知

洋香氣雖烈逾數寒冬則氣漸散縣產之香氣味純和歷百年而不變以其得地道之正云按縣居瓊南火地所發之木多結而香蓋得太陽烈氣之全故枝幹皆能自爲一香故以

香木焚之少許氛翳彌室雖煤燼而氣不焦多醞藉而有餘芬其清香可愛真令人徘徊不忍去也

木類

花梨紫紅色與降真香相似氣最辛香質堅緻有油格糠格兩種油格者不可多得又本草拾遺欄木出安南性堅紫紅色有花文者謂之花欄卽此木也

香楠幹極端偉一名端正樹色黃質膩油可燃火隱起花紋剖之香辣撲鼻又有綠楠名鸚哥楠色微綠而不香潤苦子楠不香潤而味微苦不分格漫更有紋作大圈者曰油楠最香辣者名八角楠質稍燥

坡櫚（音雷去聲）又名石子剛色初白漸紫久則變烏質堅而重紋理緊密入地久不朽爲材木冠

竹葉松白肉細理質最輕鬆經久不蛀白蟻不蝕良材也油松油液濡潤屑可燃火是爲難得馬尾松色紫肉麤其材稍遜

黃楊不分格漫文理滑膩可備梳箸之用生叢石間大者絕少西陽雜俎云取此木必陰晦夜無一星伐之則不裂

梅有數種純青者曰青梅日炙不裂人地耐久梅之最佳者次曰鐵梅其堅如鐵次曰紅梅理直多折裂次曰花梅格中參漫易致白蟻惟一種白梅色白理細而質堅似坡櫚

臙脂色正黃紋理細膩狀類波羅中含粉點爲異性澀難鋸鐵櫚格似坡櫚而菜尾色美亦與坡櫚同

銀硃結質堅實幹多虫孔色黃紅裡更夾微藍紋理盤錯實難光澤

香稿皮厚寸許縐如蛙皮質白氣香雖久不蝕山椒稿氣最辣黑心稿四圍皆白中有烏條連貫上下皆遜香稿黃稿色黃肉鬆亦不蛀

烏格木有兩種油格者色紫烏糠格者色灰烏中含粉點微有酸氣不蛀亦辟蟻又一種車絲格頗與相類但無粉點若水車絲則性軟質鬆材極麤劣最易引蟻

黑榷堅重沉水取爲車輪船舵最良紅榷稍劣

藤椿色淡黃中有暈紋如鳳眼質理細膩亦稿屬也歷久不蝕

波羅木格正黃類臙脂兼有文理用製器最佳又有山波羅與之無二肉微麤

萬年生俗名柞木皮最厚有深紅淡紅二色可以染絳格微紫鬆軟細潤雕刻最宜俗傳入土雖久如生故名

雞頭木類龍角而堅實過之格深紫生子如雞頭亦佳菓也

烏雲墨木質細而色黑亮用製器具美麗無倫

紅羅色淺紅肉鬆可作船板

荔枝大可數圍高數丈一大株得板數十塊色細肉細且堅製器最爲光澤材經久則蛀鹹水浸之可免

龍膽中屋材味苦故名又色紫而堅者爲龍角用作船名高金板

海棠粗皮礪柯株柯拳曲子可榨油

青炭木性最堅燒之爲炭聲响如金終日不灰

榕樹葉如大麻實如冬青樹幹拳曲其蔭十畝軟條垂下及地便生根節或一大株有根四五處橫枝互相連理南人謂之睡木（參草木狀）有大葉細葉二種細枝垂條遇水卽生亦異種也（既通志）

感恩縣志

卷三

物產

木

十一

海口海南書局承印

桑葉可以養蠶種樹書云根下埋龜甲則茂盛不蛀根下皮可入藥名桑白皮東行者良出土外者殺人（府志）

山桂皮味似桂不甚辣土人取春麵餅更用漬酒（府志）

山油黎人每種取其子打油香氣襲人又名木油

甜糖子大如荔枝味如糖樹多汁粘物勝于膠黎人用之取禽鳥一粘則不可脫

鬼畫符產道旁狀如木蘭紫薇高五六尺葉大如指藍色老則有白篆文如蝸篆故名鬼畫符
暑月土人畏蚊折枝逐之蚊即驚散故又名打蚊樹凡感風寒取嫩葉搗湯服之大吐立效
或行路寒暑所侵吐瀉肚痛摘數葉嚼之卽愈

苦棟最易生有雌雄雌者實雄者不實木質輕鬆頗有紋理雨漬則腐子炙食治小兒疳虫
鸚哥木色黃質堅易生縐疤爲車輪最宜

鐵力木（俗名個劣）甚堅緻質初黃久則黑枝多杈枒土人用作農具子有膠味極甜

苦枳木肉質細久則深黃不蛀用作壽木猶佳故苦枳板商人輒運販之一名香楠

按彭程萬殷汝驪調查瓊崖實業報告書有云感恩近溪我查報恩江邊一帶森林蜿蜒一

二百里多產花梨荔枝青梅紅羅高根鷄針及其他格木等均屬佳料感恩昌江二縣本地所用及出口之木多取材於此其運道一出北黎一出感恩北黎純由陸運感恩則七八九三個月河流發水之時可由河道接運六十里此山之木運路尙不十分艱難惟中間由莪近溪至報恩江邊有路一段約長五十餘里較爲狹隘牛車不通若稍加修鑿即可通運足見縣屬森林之美富爲密切關係之嶺道崎嶇難通利權無由發展是有待於振興黎務關心民生者故附及之

感恩縣志卷之三終

感恩縣志

卷三

物產

木

十二

海口海南書局承印